



## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

Art. I. An Deus habeat certam, vel solùm conjecturalem, futurorum  
conditionatorum notitiam?

---

[urn:nbn:de:hbz:466:1-77232](#)

*Art. 2.*

nis, quæ est veluti quedam impressio, & participatio certitudinis divinæ scientiæ; juxta illud quod docet Tertullianus suprà relatus, Deum scilicet, tot habere testes sua præscientiæ, quæ fecit Prophetae. Unde quamvis invariabilitas cognitionis divinæ, respectu futurorum, sine illorum praesentia in æternitate subsistere nequeat, non licet inde colligere, eam etiam desiderari ex parte certitudinis & infallibilitatis; ita quod eā fœlusā, futura contingentia in decreto absoluto & efficaci non possint certò cognosci.

A mistas, suis argumentis, invitos & reluctantes tandem coactos fuisse concedere Deo futurorum conditionatorum notitiam; nam revera Thomistæ quorum verba referuntur, non alia sensuocuti sunt, quām quo illos sumus interpretati, unde illorum Recentiorum triumphos, quos tantā verborum pompa decantant, leves foliorum sonitus, & inanes umbras, merito prædictus Author appellat. His præmissis sit

## §. I.

Statuitur esse in Deo certam futurorum conditionatorum notitiam.

B Dico igitur: Deum futura conditionata certò cognoscere.

Probatur primò ex Scriptura, in qua futura conditionata sèpè à Deo revelantur, & annuntiantur, tanquam futura: ut constat ex primi Regum 23. ubi David cùm fugisset Ceilam, consuluit Dominum, *Si tradens me viri Ceila, & viros qui mecum sunt in manu Saül?* Et dixit Dominus: *tradent.* Item 3. Regum 11. *Non ingrediemini ad eas* (scilicet filias Gentium) *neque de illis ingredientur ad vestras: certissimè enim avertent corda vestra, ut sequamini Deos earum.* Et in novo Testamento habetur illud celebre testimonium Matthæi 11. *Si in Tyro, & Sydone facte fuissent virtutes, quæ in vobis factæ sunt, olim in cinere, & cilicio penitentiam egissent.*

C Quibus in locis tria prænuntiantur futura conditionata: scilicet tradidit David in manus Saül, si maneret in Ceila; seductio, & aversio cordis, si filii Israël connubia ducerent cum alienigenis eis viciniis; & conversio Tyriorum, ac Sodioniorum, si Christus apud illos prædicasset Evangelium, & fecisset signa que fecit apud Iudeos. Licet enim secundum fuerit absolutum, respectu Salomonis verbi gratiæ, qui cum mulieribus alienigenis ardenter amore copulatus est, & ita (ut ait sacer textus) cùm jam esset senex, depravatum est cor ejus per mulieres, ut sequeretur deos alienos: attamen respectu aliorum multorum, qui cum eisdem copulati non sunt, habuit rationem futuri contingentis conditionatè. Ergo certa futurorum conditionatorum notitia, Deo dene-gari non debet.

E Respondent Curiel & Typhanus, hæc dici tantum per exaggerationem humanam, vel secundum probabilem tantum cognitionem, quam Deus habebat de hujusmodi futuris, attendendo ad inclinationem causarum secundarum, quæ positivis illis conditionibus, de se magis erant inclinati ad illos effectus, quām ad oppositos. Quæ responsio videtur habere aliquod fundatum in Scriptura, quæ post verba Matthei 11. iam relata, *Si in Tyro, & Sydone &c. addit, Si in Sodomis facta fuissent virtutes, quæ factæ sunt in te, forte mansissent usque ad hanc diem.* Particula enim, forte, solam probabilitatem, & conjecturam; non autem infallibilitatem, & certitudinem denotare videtur.

F Sed hæc responsio multipliciter impugnari potest. Primò ex verbis Scripturæ 3. Regum 11. jam relatis, in quibus seductio, & aversio cordis filiorum Israël, si ad alienigenas ingredierentur, ut certissima prænuntiantur; dicit enim Scriptura, *Certissimè avertent corda vestra.* Quæ particula, certissimè, omnimodam certitudinem, & infallibilitatem, & non solam probabilitatem, & conjecturam significat.

## DISPUTATIO V.

## De scientia conditionatorum.

**E** Gimis hic usque de futurorum absolutorum notitia, nunc de conditionatorum scientia disputandum est: sed quia alia est futurorum conditionatorum scientia, quæ à Thomistis in Deo admittitur, alia quæ à Molina & aliis Recentioribus ipsi assignatur: illa enim fundatur in decretis conditionatis, eaque supponit: ista est independens à decreto, eoque anterior, vocaturque à Recentioribus *scientia media*; ideo de utraque hic agendum est, & prima in hac disputatione stabilienda est, secunda verò in sequenti rejienda, ac explodenda.

## ARTICULUS PRIMUS.

An Deus habeat certam, vel solam conjecturalem, futurorum conditionatorum notitiam?

**I.** **C** Vrbel libro 1. controversiarum, controv. 7. Corneio h̄c art. 13. disp. 3. dubio 2. & Claudius Typhanus, novissimus Societatis scriptor, libro de ordine, deque priori & posteriori, cap. 25. docent futura contingentia conditionata, non cognosci à Deo certò, sed tantum conjecturaliter. Pro eadē sententia citant communiter Recentiores aliquos ex Thomistis, ut Cabreram, Ledefinam, & Zumel; sed immerito: quamvis enim illi videantur recedere aliquo modo à communi sententia, & quam Deo concedunt alij Thomista, negare certam futurorum conditionatorum notitiam; tamen si attinet legantur, & inquiratur quo sensu locuti sint, manifestè patet, quod illi ab aliis non dissentire, sed tantum velle, futura conditionata per ordinem ad causas liberas & contingentes in quibus continentur, & ex vi illationis, seu connexionis antecedentis cum consequenti, non fundare certam & infallibilem cognoscibilitatem, sed conjecturalem tantum & probabilem; at non negare certam illorum notitiam haberi aliunde à causa extrinseca, nempe decretis conditionatis, quæ non admittunt circa omnium possibilium combinationes, sed tantum circa illas quarum mentio sit in Scriptura, & quæ ad hujus universi gubernationem necessaria sunt.

Addunt præterea, Si decreta de his conditionatis constituantur, ex non cognosci conditionatè, sed ab solutè, quia videntur in decreto præfenti, & cognitione metienda est ex medio per quod fit, unde censent hujusmodi cognitionem habere rationem visionis. Non ergo immerito conqueritur Joannes à S. Thoma contra Herice, Alarcon, & alios Recentiores, qui gloriantur Tho-

# DE SCIENTIA CONDITIONATORVM. 277

**A.** Secundò impugnari potest hæc responsio ex Augustino, qui in libro de bono perseverantia cap. 9. agens de Tyriis & Sydoniis, sic loquitur. *Sed nunquid possumus dicere, etiam Tyrios, & Sydonios, talibus apud se virtutibus factis, credere noluisse, aut credituros non fuisse, si fierent: cum eis ipse Dominus attestetur. quod acturi essent magna humilitatis paenitentiam, si in eis facta efferae diuinorum illa signa virtutum?* Manifestè ergo Augustinus admittit certitudinem illius futuri conditionati, nempe quod creditur esse Tyrij, si talia signa viderent. Et in libro de corrept. & gratia cap. 8. loquens de his qui non sunt rapti à Deo, ne malitia mutaret eorum intellectum, sic ait; *Respondeant se possunt (scilicet Pelagiani) cur illos Deus, cum fideliter, & pie vivent, non tunc de vita hujus periculis rapuit: ne malitia mutaret intellectum eorum, & ne felia deciperet animas eorum. Vtrum hoc in poteſtate non habuit, an eorum mala futura nescivit? nempe nihil horum, nisi perverſissimè, atque infansim dicitur.*

**B.** Tertiò refellitur eadem responsio, ex eo quod futura conditionata, interdum prædicuntur, & prænuntiantur à Prophetis; ut constat ex 4. Regum 13. ubi Propheta Eliseus prædictit Regi Iſrael, quod si percussisset jaculo terram quinques, aut sexies, sive septies, percussisset Syriam usque ad consumptionem: prædictio autem prophetica, si non sit commentatoria (sicut ista non erat) est omnino certa, & infallibilis; alias periret certitudo prophetæ, ut docet D. Thomas 2. 2. quæſt. 172. art. 1. Ubi triplicem prophetiam distinguit: scilicet præscientiæ, prædestinationis, & comminationis; inter quas hoc ponit discrimen, quod prima, & secunda, terminantur ad futura in seipſis, unde ex illis veritas futorum in se evidenter colligitur: tertia vero non respicit futura ut in se, sed dispositionem, & ordinationem causarum ad ipsa; ac proinde stante hac dispositione, licet eventus veritas non ster, subsistit veritas prophetica revelationis.

**C.** Confirmatur ex eodem S. Doctore quæſt. 12. de verit. art. 10. Et 2. 2. quæſt. 171. art. 6. ad 2. ubi ait: *Licet quandoque preciſe reueletur futurum, ſolum quantum ad ordinem causarum; cognitione tamen Dei, non tantum terminatur ad ordinem, sed etiam infallibiliter ad eventum futurum.* Ergo futura conditionata in Scriptura revelata, etſi Prophetis quandoque tantum innotescant quoad ordinem causarum; attamen cognitione Dei, non tantum ſit in ordine, sed transit ad eventum futurum, aut ejus negationem sub tali conditione; & conſequenter ex doctrina D. Thomæ, futura conditionata certo cognoscuntur à Deo, vel ut determinatè vera, vel ut determinatè falsa. Neque obſtat particula *fori*, quæ Scriptura interdum uitit: hæc enim, ut dicimus in ſolutione argumentorum, non dubitationem, & conjecturam; ſed vel operis difficultatem, vel liberi arbitrij mutabilitatem designat.

**D.** Probatur insuper conclusio ratione fundamen- tali. Illa cognitione est certa, & infallibilis, quæ fundatur in medio certo, & infallibili; At notitia futorum conditionatorum in Deo, fundatur in medio certo, & infallibili; in decreto ſcilicet ex ſe efficaci, abſoluto ex parte ſubjecti, & conditionato tantum ex parte objecti, ut dicimus articulo ſequenti: Ergo certa & infallibilis eſt. Unde licet ſublati decretis conditionatis, non poſſit eſſe in Deo certa, & infallibilis condicio-

natorum scientia, ſed probabilis tantum, & conjecturalis. illorum cognitione, illis tamen admisis, certa conditionatorum notitia illi non potest de- negari. Quare ſi aliqui ex Thomisitibus interdum videantur eam negare, non negant illam abſolute, & pro omni instanti reali; ſed tantum pro ſigno rationis antecedenti decretum, in quo illa objecta ſunt in ſtatu meræ poſſibilitatis, nec ſunt cognoscibilia ut determinatè futura.

## §. II.

*Precipua objectiones ſolvuntur.*

**B.** Objiciunt in primis Adversarij quedam Scripturæ loca, quibus conjecturalē tantum futorum conditionatorum notitiam Deo vide- tur tribuere: nam Genef. 3. Deus de Adam loquens ſic ait: *Nunc ergo ne fori mittat manum tuam, & ſumat etiam de ligno vite, & comedat, & vivat in eternum.* Ubi particula, *fori*, clarè denotat, hoc futurum conditionatum, *Si Adam manferit in Paradiso, ſumer de ligno vite*, non eſſe omnino certum, nec ut tale cognosci à Deo; ſed conjecturaliter tantum, attentà ſcilicet occaſione, & opportunitate loci. Item Deuteronomij 4. dicitur: *Cuſtodi itur ſollicitè animas vestrās, ne forte decepti faciatis vobis ſculptam ſimilitudinem.*

**C.** Respondeo primò, particulam illam, *fori*, in Scriptura non ſemper denotare dubitationem, ſed Deum more noſtro loqui; vel ad ostendendam liberi arbitrij mutabilitatem, vel expenden- dam iphiſ rei difficultatem, ut conſtat ex illo Joan. 8. *Si me ſciretiſ, foriſtan & Patrem meum ſciretiſ.* Ubi particula *foriſtan* non dubitantis affectum, ſed operis difficultatem, & magnitudinem designat. Unde Hieronymus ſuper cap. 26. Jeremie: *Verbum ambiguum foriſtan, maſtati Domini non potest convenire: ſed noſtro loquitur affectu, ut liberum hominis ſervetur arbitrium.* Et Augustinus Tract. 37. in Joan. explicans verba dicta, *Foriſtan & Patrem meum ſciretiſ*, ſic ait: *Quando dicit foriſtan, non dubitat, ſed increpat. Dubitationis verbum eſt, cum dicitur ab homine, idem dubitante, quia nesciente: cum vero dicitur à Deo verbum dubitationis, cum Deum nihil utique lateat, illa dubitatione arguitur in- fidelitas, non opinatur Divinitas.*

Respondeo ſecundo, futura contingentia du- pliciter à Deo cognosci: vel per refectum ad causas creatas, vel per ordinem ad eis decretum. Primo modo cognoscuntur à Deo, cognitione ſubjectivè infallibili, objectivè autem tantum conjecturali. Secundo autem modo terminant cognitionem, etiam objectivè infallibilem. Quan- do ergo divina cognitione refectu contingentium

**E.** significatur per particulam *fori*, denotatur dubitatio objectiva per ordinem ad causas ſecun- das, refectu quarum contingentia dicuntur; non vero ſubjectiva, & que ſe teneat ex parte Dei.

Objicies ſecundo: D. Augustinus libro de prædicit. sanct. cap. 14. explicans illud Sapient. 4. *Raptus eſt ne malitia mutaret intellectum ejus,* ait: *Diſcum eſt ſecundum pericula vite hujus, non ſecundum præscientiam Dei, qui hoc præſcrivit quod futurum erat, non quod futurum non erat.* Quo loco videtur Augustinus ſentire, Deum non habuisse præscientiam certam, & infallibilem hujus futuri conditionati: hominem ſcilicet fore peccatum, ſi diutius vixisſet; ſed ſolum con-

M m iij

9:

10:

11:

12:

Tom. I.

jecturalem, & probabilem cognitionem, attentis periculis hujus vitæ, & humanâ fragilitate. Item idem S. Doctor sape assertit, figuratum esse, præsciri à Deo quæ non sunt futura, ut constat ex libro 2. contra duas Epist. Pelag. *Quomodo*, inquit, *præscivit ea futura* (opera scilicet parvolorum in infancia morientium, quæ fecissent, si ad ætatem pervenissent adultam) *que illis in infancia morientur, quia præscientia ejus falli non potest, præscivit non futura.* Et libro de origine Animæ contra Vincentium Victorem cap. 12. *Quomodo rectè dicitur præscire futurum, quod non est futurum.* Item lib. de Prædest. sanct. cap. 12. *Vnde talibus viris (id est Semipelagianis) in mentem venerit: ut futura quæ non sunt futura, puniantur vel honorentur merita parvolorum:* Et S. Prosper in Epist. ad Augustinum, loquens de Semipelagianis, ait: *Futura quæ non sunt futura confingunt.* Ergo ex doctrina Augustini & Properi, non datur in Deo certa futurorum conditionatorum notitia.

13. Ad primum locum respondeo, quod quando D. Augustinus dicit, *Hoc dictum fuisse secundum pericula vita hujus, non secundum præscientiam Dei;* solum intendit docere, quod in Scriptura Deus revelaverat futurum illud, secundum ordinem quem dicebat ad causas secundas, & inferiores; per ordinem ad quas, non habebat omnino certitudinem & infallibilitatem, sed probabilem tantum & conjecturalem. Ut enim docet S. Thomas 1.p. quæst. 19. art. 7. ad 2. Deus in Scriptura revelat interdum aliqua secundum ordinem causarum inferiorum, licet ipse certò sciat ea absoluè non esse eventuras; quia aliter in sua voluntate, & præscientia dispositus: sicut cum dixit per Ionam Prophetam: *Adhuc quadraginta dies, & Ninive subvertetur;* licet ipse certo sciret, eam non esse subvertendam; & sicut cum predixit Ezechias per Iсаiам Prophetam: *Dispone domui tue, quia morieris tu, & non vives,* ut habeatur Iсаiа 38. Neque tamen ita evenit, quia aliter in scientia, & voluntate divina erat præordinatum.

14. Ad alia testimonia dicendum est, quod in his D. Augustinus non denegat absoluè Deo certam futurorum conditionatorum notitiam, sed in contum sensu, & modo, quæ asserebatur à Pelagianis, vel Semipelagianis: independentem scilicet a divino decreto, eoque anteriorem: vel præscientiam futurorum, quæ haberent rationem meriti, actualiter Deum moventis, ad dannum primam gratiam, & primam vocationem ad fidem; ut enim disputatione sequenti ostendimus, Semipelagiani admittent in Deo præscientiam futurorum conditionatorum, divino decreto anteriorem: Tum ut conciliarent hominis libertatem, cum divina prædestinatione, & decretis absolutis, ex quibus dicebant sequi libertatis excidium, ac fatalem induci necessitatem, si divina constitutio humanas preveniret voluntates, ut refert S. Prosper in Epistola ad Augustinum. Tum etiam, ut per hanc præscientiam, à decreto independentem, inveherent merita antecedentia primam gratiam, & redderent rationem, quare Deus hunc vocet ad fidem, & non alium, & quare alicubi prædicetur, vel non prædicetur Evangelium, &c.

15. Objicies tertio cum Typhanio capite 22. libri citati. Quamvis in Scriptura Deus aliquando utatur oratione discursivâ, non tamen sequitur in Deo esse discusum; licet utatur enuntiationibus

A vocalibus, non est tamen in Dei intellectu compositione mentalis, qualis significatur enuntiatione vocali: Ergo similiter, quamvis in Scriptura Deus dicatur sciére futura conditionata (puta conversationem Tyriorum, & Sydoniorum, si Christus apud illos prædicaret) non sequitur tamen, in eo revera esse certam, & infallibilem illorū notitiam.

16. Confirmatur: Sicut discursus & enuntiatio, dicunt imperfectionem Deo repugnantem, ita & scientia conditionatorum: quemadmodum enim discursus importat multiplicatatem, & successiōnem actuum in intellectu; & enuntiatio compositionem, ac unionem prædicati cum subiecto; ita scientia futurorum conditionatorū, dicit suspensionem & hesitationem in intellectu divino, cum sit de objecto suspenso, & à conditione pendente.

17. Respondeo quod sicut ex eo quod Deus utatur in Scriptura discursu, & enuntiatione mentali, bene inferimus illum purissimo, & certissimo intuitu videri habitudinem quam habet antecedens ad consequens, & unionem que est inter prædicatum & subjectum; licet talis intuitus sit sine imperfectionibus compositionis, & multiplicatibus actuum, quæ reperiuntur in nostris discursibus & enuntiationibus: ita similiter, bene sequitur ex eo quod Deus in Scriptura pronunciat & revelat futura conditionata, quorum conditio nunquam ponetur, ea certissime cognoscere; sed puro intuitu, & sine imperfectionibus hesitationis vel suspensionis, quas aliquando fortè habet intellectus humanus, dum hujusmodi propositionibus utitur.

18. Ad confirmationem dicendum est, quod licet scientia futurorum conditionatorum, sit de objecto suspenso, ratione conditionis à qua dependet; non est tamen suspensa, nec ponens hesitationem in intellectu divino, ut existimat Typhanius, qui dum imaginariam quandam imperfectionem suspensionis, quasi festucam ex oculo & scientia Dei putat ejicere, veram in eo trahit ignorantia ponit, aut cognitionem conjecturalē, & probabilem, nedium ex parte rei cognitæ, sed etiam ex parte cognoscit⁹, quæ repugnat perfectioni, & infallibilitati divinae scientiæ.

19. Objicies quartò cum eodem Authore: D. Thomas hic art. 13. & quæst. 12. de verit. art. 10. & in 1. dist. 38. quæst. 1. art. 5. docet futura contingencia posse considerari dupliciter; vel in suis causis, vel in seipsis: qualiter considerantur, non ut futura, sed ut existentia (in mensura scilicet aeternitatis) & sub primo statu, posse tantum terminare cognitionem conjecturalē: sub secundo vero, posse certò & infallibiliter à Deo cognosci: At futura conditionata quorum conditio nunquam purificabitur, non possunt cognosci à Deo, hoc secundo modo; sed tantum primo, cum non sint presentia in aeternitate, eo quod nunquam existent in aliqua differentia temporis, ad quam aeternitas ratione suæ infinitatis se coextendat: Ergo non possunt cognosci à Deo, nisi conjecturaliter.

20. Respondeo S. Thomam in his locis tantum fuiss locutum de futuris contingentibus, per ordinem ad causas creatas, secundum se consideratas, & non ut subordinatas efficaci decreto divina voluntatis. Et ita ex his locis, nihil potest inferri contra nostram sententiam, quæ docet futura ab soluta, vel conditionata, non posse certò cognosci in causis secundis, sed tantum in divino decreto; vel quod idem est in ipsis causis secundis, ut illi subordinatis, & ab illo applicatis, & determi-

natis, ut disputatione præcedenti ostendimus.

**11.** Objicies quinto: Vel hæc futura conditionata cognoscuntur à Deo per scientiam simplicis intelligentia, vel per scientiam visionis? Neutrum dici potest: Ergo non cognoscuntur à Deo. Major confat, nulla enim datur in Deo scientia media, ut disputatione sequenti ostendemus. Minor probatur: Scientia simplicis intelligentia est omnino naturalis, & necessaria, & terminatur tantum ad possibilia ut sic, id est indifferenter ad esse, & non esse: Atqui cognitionis horum futurorum, non est naturalis, & necessaria, cùm in nostra sententia supponat liberum divinæ voluntatis decretum, & in eo funderetur; neque terminatur ad merè possibilia, sed ad futura sub conditione: Ergo non est scientia simplicis intelligentia. Probatu etiam secunda pars Minoris: Scientia visionis est intuitiva, & terminatur ad res præsentes, & existentes in æternitate: dicunt enim visionis, metaphorâ ductâ à nostra visione, sicut supra annotavimus: Sed cognitionis horum futurorum conditionatorum, non est intuitiva, nec terminatur ad res præsentes, & existentes in æternitate; quia illa futura conditionata nunquam habitura sunt existentiam aut presentiam, etiam in æternitate, cùm sint absolute non futura: Ergo non cognoscuntur à Deo per scientiam visionis.

**12.** Huic argumento duplíciter respondent Thomas, juxta duos diversos modos explicandi scientiam simplicis intelligentia, & visionis. Aliqui enim dicunt, scientiam simplicis intelligentia non distingui à scientia visionis, per hoc, quod prima sit necessaria, & secunda libera; sed per hoc quod prima est abstractive, secunda intuitiva; in quantum terminatur ad res futuras, ut præsentes in æternitate. Et juxta hanc sententiam, & modum explicandi, dicendum est, futura conditionata, quorum conditio nunquam purificabitur, cognosci à Deo per scientiam simplicis intelligentia, ob rationem in argumento insinuatam: quia scilicet, cùm illa nunquam sint habitura existentiam in aliqua differentia temporis, non sunt præsentia in æternitate, nec proinde terminare possunt scientiam intuitivam, qua (ut disputatione præcedenti ostendimus) necessariò requirunt existentiam & præsentiam sui objecti, in ea saltem mensura, quā mensuratur cognitionis.

**13.** Alij verò volunt, scientiam simplicis intelligentia distingui à scientia visionis, per hoc quod prima (ut pote antecedens decretum) sit naturalis, & necessaria; secunda verò libera, cùm illud supponat, & in eo funderetur; & quia hæc scientia ut plurimum, & secundum primatum objectum materiale, terminatur ad res præsentes in æternitate, dicitur intuitiva; quamvis secundum aliud objectum minus principale, non sit intuitiva, nec visionis, sed tantum libera, & approbationis. Et juxta hunc secundum modum explicandi, dicendum est, futura conditionata, quorum conditio nunquam purificabitur, cognosci à Deo per scientiam visionis, non quatenus visionis est formaliter (quia sub hac ratione terminatur solum ad res futuras ut præsentes in æternitate) sed in quantum libera est, & approbationis, & prout habet adjunctum decretum divinæ voluntatis: sic enim non terminatus solum ad res futuras, ut præsentes in æternitate, sed eriam ad omnia objecta libera, & contingentia, quæcumque illa sint.

**A** Advertendum tameñ est, futura illa conditionata duplíciter posse considerari. Primò in vilationis, & in rigore consequentiæ, & quatenus particula si, sumitur in sensu pure illativo; & hoc modo non cognoscuntur à Deo per scientiam liberam, sed per scientiam naturalem, & simplicis intelligentia: quia propositio talem illationem, & consequentiam enuntians, est omnino necessaria, & reducitur in principium omnino necessarium. Unde in nostra sententia, hoc conditionatum: *Si Deus prenotione efficaci hominem ad amorem prædeterminet, talem actum elicit.* Et in Adversariorum doctrina, *Si Deus hominem vocazione congrua vocaverit, ille infallibiliter conseniet:* consideratum in sensu pure illativo, & in rigore consequentiæ, & vilationis, attingitur à Deo per scientiam naturalem, & simplicis intelligentia; quia utraque consequentia, & illatio, reducitur in principium omnino necessarium & infallibile; scilicet in efficaciam divinæ voluntatis, vel in divinæ præscientie infallibilitatem. Secundò illa futura conditionata possunt considerari, non in vi vilationis & consequentia, sed ratione concomitantia quam effectus habet cum conditione, & que fundatur in aliqua promissione, vel propozito, aut pacto, vel in divino decreto connectente extrema, que interdum nullam habent inter se connexionem, sed sunt omnino disparata; ut constat in exemplo supra relato de percussione terræ cum victoria Regis Israel; & sic dicimus illa cognosci per scientiam visionis, quatenus libera est, & approbationis; & quatenus supponit in voluntate divina, decretum absolutum ex parte subjecti, & conditionatum ex parte objecti. De quo fusiū disputatione sequenti.

#### ARTICVLVS II.

*Vtrum in Deo admittenda sint decreta absoluta ex parte subjecti, & conditionata ex parte objecti, in quibus praescientia futurorum conditionatorum fundetur?*

#### §. I.

*Quibusdam premisis conclusio affirmativa statuitur.*

**N** Otandum primò: Aliquam volitionem, seu aliquod decretum, posse dici duobus modis conditionatum. Primò ex parte subjecti, quando scilicet subjectum habet quandam veluti velleitatem, non tam de objecto ipso, quam de voluntate efficaci habenda circa illud, si conditio poneretur. Exemplum est: *Ego vellem venari, si hoc liceret Clerico.* Per hunc enim modum loquendi, non designo me habere actu volitionem circa venationem; sed potius significo, me illam habiturum, supposito quod ea liceret Clerico. Secundò potest aliqua volatio, seu aliquod decretum, esse & dici conditionatum ex parte objecti tantum: quando scilicet habetur actu volitio efficax ex parte volentis, suspenditur tamen effectus ejus, donec ponatur conditio: v. g. si aliquis dicat, *Volo quod si Petrus veniam cras domum, prandeat tecum:* ista volitio est tantum conditionata ex parte objecti, est enim vera & absoluta volitio prandij, dependens tamen ab aliqua conditione, nimur ab adventu Petri in domum. Quando ergo inquirimus, an dentur in Deo de-